

無為章第二十九

將欲取天下而為之欲行此道吾見其不得已道本無為

玉華帝君注曰帝世之有天下揖讓得之非取之也四方風動黎民變之非上為之也若將欲以力取天下而從而作為

於其間是為失道已矣通不得已言二者皆弗得於道矣

天下神器心之所居不可為也為有妄心即驚其神為者敗之為傷自然執者失之

執非通變

又曰天下大器也曰神言有神默相之是則神器之大擁此者皆當抱樸守雌不可以有為也一侈志於為則粉飾太平徒滋紛擾反以敗國一著意於執則拘虛膠固鮮所通變不

道藏輯要

道德經解

三

心集一

又曰

惟得之適以失之矣

故物或行或隨念茲在茲或噓或吹思邪或強或羸善用其心或載或隳

精思此理是以聖人去甚過猶不及去奢道如常去泰道無不足

又曰總之道尚自然故物或有翼之以行者或有步焉以隨者或响而煖之或吹而寒之或益而強之或損而羸之而可裁者則或從而載也可傾者則或從而隳也雖應用不同要皆因物付物順其自然而已何所庸我之侈然恣肆而貪求之無厭也乎是故聖人甚則去之奢則去之而泰亦並去之也

儉武章第三十

以道佐人主者道與心合不以兵強天下善勝在於不爭其事好還歸根復命

玉華帝君注曰治世有道本道發為文德武功非所尚也且

兵為凶器淫佚之事上帝惡之苟或侈志於兵自使天下肝

腦塗地則出乎爾者必反乎爾若齊之湣王楚之靈王秦之

始皇梁之武帝皆獲殺身之禍故曰其事好還

師之所處心兵所起荆棘生焉神狂心荒大軍之後情欲馳驅必有凶年氣神昏耗

又曰此更推言兵強之害言終日用師則農業妨而田疇不

治荆棘叢生不特此也殺氣過旺有傷天地之和則災祲流

行運所必至大軍之後必有凶年固不卜而早定也

故善者果而已定力所到不敢以取強忘我而已

道藏輯要 道德經解 言 心集一 八百八

又曰果決也言善為治者絕不談兵從不好強其於四方六

合總以仁義化之禮樂綏之迨綏之不得化之逆命則不得

已取決於一戰阪泉涿鹿之師是果之明徵也而窳不敢恃

以取強自詡用兵之如神也

果而勿矜待之以靜果而勿伐默而守之果而勿驕存之以和果而不得已之用

以虛果而勿強自然虛無

又曰人特患無是果耳誠有是果則必能不自矜張不自誇

伐不自驕盈間用其果皆出於勢不得已而初不自以為強

也

物壯則老心為物移是謂不道性為心蔽不道早已永失真道

又曰善者用果而不尚強夫何以故蓋恃強則逞壯逞壯則易折大過之上六大壯之上六其明鑑也譬如物之發露太過精華難要於久灼灼之華早發者則必先萎此物壯之未有不老者也苟或只知強壯之足憑而不知老敗之將至則是昧乎盈虛消息之道矣是之謂不道不道之念其不可不早已也夫已止也息也

偃武章第三十一

夫佳兵者不祥之器以心勝物終莫能勝物或惡之為物所誘故有道者不處

不離生死而離生死

孚佑帝君注曰戰危事也勇逸德也兵凶器也雖有佳兵實

道藏輯要

道德經解

三

心集一 八〇〇

為不祥故曰不祥之器且窮兵必妨農業多傷性命類于天地和氣凡物無不惡之是以有道者斷不以是為得計而安以處之也

是以君子居則貴左主柔用兵則貴右主剛兵者不祥之器凶器非逆德非

君子之器觸來勿與兢事過心清涼不得已而用之欲求合道乃不合道恬澹為上常寂

勝而不美求欲凝神神乃不凝而美之者用志不分乃凝於神是樂殺人用心一處無事不辦

夫樂殺人者絕欲不可得志於天下矣凡百從儉故吉事尚左東木主生凶

事尚右西金主殺偏將軍居左省心上將軍居右全神言居上勢則以喪

禮處之若論此事如喪考妣殺人眾多六賊兵息三尸自焚以悲哀泣之心死神存戰勝

則以喪禮處之孤光獨照